

Na osnovu člana 71 i člana 121. stav (6) Zakona o visokom obrazovanju („Službene novine Kantona Sarajevo“ broj: 36/22), u skladu sa članom 234. Statuta Univerziteta u Sarajevu, na osnovu Odluke Senata Univerziteta u Sarajevo broj: 01-2-46/24, od 31.01.2024. godine, Univerzitet u Sarajevu – Mašinski fakultet, raspisuje

**JAVNI KONKURS  
ZA IZBOR AKADEMSKOG OSOBLJA U AKADEMSKO NAUČNO-NASTAVNO ZVANJE  
NA UNIVERZITETU U SARAJEVU - MAŠINSKI FAKULTET**

**1. Izbor člana akademskog osoblja – nastavnik u zvanje vanredni profesor**

**1 izvršilac**  
(puno radno vrijeme)

Naučna oblast: Industrijski inženjering i menadžment

**Uslovi:**

Kandidat koji se ne prijavljuje u skladu sa članom 176. Zakona o visokom obrazovanju („Službene novine Kantona Sarajevo“ br. 36/22), pored opštih uslova propisanih Zakonom o radu FBiH, potrebno je da ispunjava uslove iz člana 112. (2). e), Zakona o visokom obrazovanju („Službene novine Kantona Sarajevo“ broj: 36/22), odnosno proveden najmanje jedan izborni period u zvanju docenta, minimalno pet naučnih radova objavljenih u priznatim publikacijama nakon izbora u zvanje docenta, od čega su dva naučna rada objavljena u publikacijama indeksiranim u relevantnim naučnim bazama, objavljena knjiga, originalni stručni uspjeh kao što je projekt, patent ili originalni metod te uspješno mentorstvo najmanje dva kandidata za stepen drugog ciklusa/integriranog studija odnosno ekvivalenta. Kandidat, odnosno član akademskog osoblja u zvanju docenta ima pravo biti izabran u više zvanje i prije isteka perioda na koji je biran ukoliko je u zvanju na visokoškolskoj ustanovi u kojoj je biran u zvanje proveo dvije trećine izbornog perioda, ispunio sve uslove za izbor u više akademsko zvanje bez supstitucija u toku prethodnog izbornog perioda te ukoliko je realizirao više od propisanog broja radova za izbor u više zvanje i to za vanrednog profesora u naučno-nastavnom zvanju dodatno objavio najmanje tri naučna rada u relevantnim naučnim bazama.

Kandidat koji se prijavljuje u skladu sa članom 176. Zakona o visokom obrazovanju („Službene novine Kantona Sarajevo“ br. 36/22), pored opštih uslova propisanih Zakonom o radu FBiH, za izbor u akademsko naučno-nastavno zvanje vanredni profesor, treba da ispunjava sljedeće uslove: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama koje se nalaze u relevantnim naučnim bazama podataka, objavljena knjiga, originalni stručni uspjeh kao što je projekt, patent ili originalni metod te uspješno mentorstvo najmanje jednog kandidata za stepen drugog ciklusa studija, odnosno integrisanog ciklusa studija. U slučaju da kandidat koji se bira u akademsko naučno-nastavno zvanje iz objektivnih razloga nije mogao ispuniti uslov objavljena knjiga i/ili mentorstva za drugi ciklus studija, uvodi se ekvivalencija, odnosno supstitucija objavljene knjige i/ili mentorstva sa tri dodatna naučna rada objavljena u citatnim bazama podataka, u odnosu na minimalne uslove utvrđene zakonom. Kandidat, odnosno član akademskog osoblja u zvanju docenta može biti izabran u više zvanje i prije isteka perioda na koji je biran ukoliko ispuni uslove za izbor u više akademsko zvanje i ukoliko je proveo u nastavi najmanje tri godine nakon posljednjeg izbora te ukoliko je od propisanih radova za izbor u više zvanje za vanrednog profesora dodatno objavio najmanje tri naučna rada u citatnim bazama podataka.

Uz prijavu na konkurs, kandidati za izbor u akademsko naučno-nastavno zvanje vanredni profesor obavezno prilažu dokaze:

- biografija i spisak objavljenih radova, projekata, patenata ili originalnih metoda;

- diploma doktora tehničkih nauka, doktorat iz naučne oblasti Industrijski inženjering i menadžment, diploma o završenom drugom ciklusu studija na mašinskom fakultetu – smjer Industrijsko inženjerstvo i menadžment i diploma o završenom prvom ciklusu studija na mašinskom fakultetu;
- potvrda o provedenom najmanje jednom izbornom periodu u prethodnom zvanju, odnosno potvrda da je u nastavi proveo minimalno zahtijevani period u skladu sa uslovima za izbor nakon posljednjeg izbora, ukoliko je ispunio uslove za izbor u više zvanje prije isteka perioda na koji je biran;
- objavljena knjiga, udžbenik i monografija, sve nakon posljednjeg izbora;
- objavljene naučne i stručne radove (sa dokazom o objavljivanju/ispisom iz baze, sa pregledom časopisa i zbornika u kojima su objavljeni), sve nakon posljednjeg izbora;
- dokaz o uspješno obavljenom mentorstvu kandidata za stepen drugog ciklusa studija u skladu sa uslovima izbora, odnosno integrisanog ciklusa studija, nakon posljednjeg izbora;
- podatke o nagradama i priznanjima u vezi sa odgovarajućom naučnom oblasti;
- ostalu dokumentaciju kojom kandidat dokazuje da ispunjava uslove za izbor u odgovarajuće zvanje.

### **Napomena:**

- Navedena dokumentacija se dostavlja u original ili ovjerenj kopiji.
- Kandidati koji su diplomu stekli u inostranstvu prilažu rješenje o nostrifikaciji diplome, odnosno rješenje o priznavanju stečene inostrane visokoškolske kvalifikacije ili potvrdu da je pomenuti postupak pokrenut.
- Prilikom izbora u isto ili više zvanje uzimaju se u obzir samo objavljeni radovi, knjige i rezultat iz vlastitih istraživanja u primjeni, projekti, te mentorstva, ukoliko su nastali u vremenu od posljednjeg izbora u zvanje.
- Svi naučni radovi, knjiga, udžbenik, projekt, patent ili originalni metod moraju biti iz oblasti na koju kandidat konkuriše.
- U prijavi je obavezno navesti priloženu dokumentaciju. Svi listovi prijave, kao i priložena dokumentacija, osim knjiga, udžbenika i monografija, trebaju biti parafirani od strane kandidata.
- Prijava kandidata za određeno akademsko naučno-nastavno zvanje treba da sadrži najmanje dokumentaciju kojom se dokazuje ispunjavanje uslova za izbor u zvanje za koje je konkurisao.
- Prijave se dostavljaju u pisanoj i (po mogućnosti) elektronskoj formi (na CD-u, USB-u). Biografiju i spisak objavljenih radova, projekata, patenata ili originalnih metoda je potrebno dostaviti i u elektronskoj formi (na CD-u, USB-u).
- Ugovor o radu s izabranim kandidatom zaključuje se na period od šest godina s mogućnošću jednog ponovnog izbora u zvanje vanrednog profesora, a shodno uslovima konkursa.

Konkurs ostaje otvoren 15 dana od dana objavljivanja .

Prijave sa dokazima o ispunjavanju uslova predviđenih konkursom podnose se lično ili putem preporučene pošte na adresu: *UNIVERZITET U SARAJEVU – MAŠINSKI FAKULTET, Vilsonovo šetalište broj 9, 71 000 Sarajevo, sa naznakom "Prijava na konkurs za izbor akademskog osoblja, sa naznakom naučne oblasti na koju konkuriše".*

Nepotpune i neblagovremene prijave neće se uzimati u razmatranje.

Sve informacije u vezi ovog konkursa mogu se dobiti preko kontakt osobe, Sekretar Fakulteta, telefon 033/729-806, kancelarija 115.